

vit Sigan : Tanga familia Xuicheu, hodiernum nomen inditum à Sunga.

Montes. Ad Borealem urbis partem Ting mons est, in quo lapis esse scribitur altus perticas ducentas.

Virginitatis exemplum. Mons Chin five castitatis, ita dictus à puella virgine, quæ in eo ad mortem usque caste vixit, ut sponso, cui promissa fuerat, à tigride interempto fidem servaret; ad hunc autem montem confugerat, quod parentes eam cogere vellent ut alteri nuberet: in territorio Suhoei civitatis est; in eo duo fana huic virgini dedicata sunt, tanti hæc gens insolitas hæc suspicit, ac æstimat virtutes.

Fons mirabilis. Prope Sinhing mons est Tienlu, cavernosus, atque horridus aspectu; in eo fontem esse scribunt seu stagnum inaccessum, cui si ex alto vel lapillus injiciatur, boatus ac strepitus auditur ad instar tonitruui, ac quam mox turbidum fit cælum, ac pluvia decidit, inde draconis stagnum dicitur: simile quiddam esse volunt in Alpibus Rhæticiis.

Hailing mons five insula, trecentorum stadiorum, dicitur etiam Locheu, prope littus Yangkiang civitatis est.

Caoleang mons prope Teking, ex eo celebris, quod ingentes arbores, quas ferreas, seu lignum ferreum vocant, profert.

Septima Urbs

K A O C H E V.

Nomina antiqua.

Fuit olim hæc regio Jue Regum; Cina familia extinctis regibus, Nanhai terris adscripsit; Hana hanc urbem Caoking dixit, hodiernum nomen Rex Leangus dedit. Sex regit civitates, quarum territorium à mari, ac à continuis circumquaque montibus ad mœniorum modum sepitur, ac clauditur; sunt autem, 1 Caocheu, 2 Tienpe, 3 Sing, 4 Hoa o, 5 Vuchuen, 6 Xeching.

Alit hic terræ tractus pavones quamplurimos; præstantes ac generosos ad venationem vultures; lapides illic, seu marmora effodiuntur, quæ in laminas secant, amantque Sinæ pro mensis similique supellectile adornanda, notis enim quibusdam, seu venulis variegati coloris, ita sunt à natura depictæ, ut montium, aquarum, regionisque subinde alicujus figuram referant: ex vicino mari uniones hauriunt incolæ, quæ piscatio hic antiquissima est inter hanc Provinciam & Hainan insulam: genus etiam quoddam piscis exoticum est, quatuor oculis.

Piscis cum quatuor oculis.

lis præditum, ac sex pedibus, hepatis figuram utcumque repræsentans: ab hoc pisce etiam uniones expui volunt Sinæ, præter eos quos ex ostreis colligunt; fortasse expuunt, quos ante vorarunt cum ipsis ostreis.

Aliud esse animal in hoc mari scribunt, capite volucrem, cauda piscem referens, illudque pretiosos quosdam lapillos continere. quod verissimum est, sunt cancri marini quidam, qui capiuntur vivuntque in aquis inter hanc urbem & Hainam insulam; ambulant, formamque habent ut cæteri, nihil admodum à reliquis discrepantes; nisi quod, ubi ex aqua educuntur ac aërem sentiunt, continuo, servata tamen antiqua figura ac lineamentis, lapidescant, durissimumque lapidem referant: Lusitani ac Sinæ ipsi eos contra calidas febres adhibent, amantque. Illis similes in lacu quodam Hainan insulæ sunt, qui etiam extracti lapidescant.

Cancris lapidescentes.

Per Lien fluvium æstus maris ad usque ipsam urbem ingreditur, navibusque Sinicis aditum præstat, unde rerum omnium magna undique in hanc urbem advehitur copia.

Feu mons ad ortum urbis tantæ altitudinis, ut hunc solum eluvionis Sinicæ tempore, vertice super aquas eminuisse velint, in eoque homines aliquot salvos perstitisse & incolumes.

Montes.

Caoleang mons circa Tienpe, hujus naturæ esse scribitur, ut numquam nec ab æstate calorem, nec ab hyeme frigus incolæ timeant, adeo ibi ver perpetuum esse volunt.

Prope Hoa civitatem pulcher ac aspectu amœnus mons est Pao, hoc est pretiosus, ab incolis animi relaxandi gratia plurimum frequentatus.

Octava Urbs

L I E N C H E V.

Regit Liencheu urbs civitates quatuor, 1 Liencheu, 2 King o, 3 Lingxan, 4 Xelien. Est hic terræ tractus hujus Provinciæ Quangtung maxime ad occidentem, ipsi Tungking Regno vicinissimus, à quo cum continui montes ac fluvius King separant: difficillimum hinc iter est per horridos & inaccessos montes in Tungking, unde quasi à natura divisi hi duo videntur terrarum tractus, ac Tungking ex hac parte à Sinis sat tutum atque à natura munitum est.

Olim